

## **Igl meis da fanadour 2016 ò la suprastanza communal tracto tranter oter igls suandonts affars:**

### **Lubientschas da biagier:**

- Lubientscha da biagier a Roberto e Silvia Pesciallo pertutgont igl far aint dus ischs tar tgesa a Cunter (parc. nr. 5646, Sur Baselgia).
- Lubientscha da biagier a Martina e Josef Ardüser-Savoldelli pertutgont igl indrez da pompa a caleira cun sondas geotermicas per igl scoldamaint dalla nova tgesa d'ena famiglia a Savognin (parc. nr. 4274, Veia Tgampi).
- Lubientscha da biagier agl cumegn-baselgia catolic Rona pertutgont igl angrondaneir la lobgia sur la garascha dalla tga-pravenda a Rona (parc. nr. 181, Rieven 75).
- Lubientscha da biagier alla interpresa Rizzi & Söhne pertutgont igl luvratori cun biro, dus tgombras ed ena stanza da dimora a Beiva (parc. nr. 10160, Veia Jerts).

### **Ulteriours affars:**

- Tscharnia vicemastral Gian Sonder scu delego digl cumegn per la Corporaziun d'alp Scalottas.
- Delibero en credit per la sanaziun urgenta dalla veia se Munter e decidia da surdar las lavours correspondentas alla firma Gall Forst da Berschis SG.
- Surdo la labour da stuppadeira an connex cun igl project d'investiziun dalla sanaziun dalla veia da Marmorera alla interpresa Rüttimann Bau-Engineering SA da Tgazzas.
- Decidia da porscher per igl avost 2017 ena piazza d'amprendissadi da commers (profil E u M) tar igl codesch funsil Surses ed ena piazza d'amprendissadi da bostger tar igl sarvetsch forestal Surses.
- Decidia da cumprar igl vehichel forestal spezial per trer lenna tar l'interpresa HSM Svizra SA da Holziken AG. La compra è risguardada aint igl preventiv d'investiziuns 2016. Per la compra è neida applitgeida la procedura tenor la lescha da submitsiun.

Tinizong, 23-08-2016

La suprastanza communal